

հայաստան. սատակեին, եւ ոչ մի ի նոցանէն ոչ ապրեցուցաներ. եւ յանկանե յանուանե զՄշկանն սպանանէին, եւ Մերուժանն փախչէր:

ԳԼՈՒԽ ԽԲ.

1 Յաղագս Մարուճանայ եւ վաթսուն բիւրուն, թէ զհա՛րոյ եկեալք ի վերայ թագաւորին Արշակայ, կամ զհա՛րոյ հարկաներ սատակեր զնոսա Վասակ սպարապետն:

2 Մարիճան ոմն¹ մեծ նախարար գայր մարտնչէր ընդ երկիրն Յայոց: 3 Ապա հանդերձ զաւրաւքն վաթսուն բիւրուն գայր հասաներ միջամբոխ² լիներ յերկիրն Յայոց. եւ առաջնորդ ի ձեռին ուներ զՄերուժանն Արծրունի: 4 Ապա եւս պատահէր պատերազմաւ Վասակ ամենայն զաւրաւքն Յայոց. հարկաներ սատակեր զգաւրսն Պարսից կորուսաներ, եւ զՄարուճանն սպանաներ: 5 Բայց միայն փախչէր Մերուժանն:

ԳԼՈՒԽ ԽԳ.

1 Յաղագս Չինդակապետին, որ իննսուն բիւրով եկն ի վերայ Յայոց թագաւորին. ապա հասաներ սատակեր ի մեծ հարուածս զգաւրսն Պարսից Վասակ զաւրավարն:

2 Չինդակապետ ոմն, զաւրագլուխ զաւրացն թագաւորին Պարսից, հանդերձ իննսուն բիւրուն գայր հասաներ ի սահմանս Ատրպատականի: 3 Ապա կանխէր եւ ելաներ ընդ առաջ նոցա Վասակ զաւրավարն Յայոց. անկաներ ի գիշերի ի վերայ դակշին Պարսկաց, եւ հաներ ընդ սուր առ հասարակ զամենեսեան, եւ սպանաներ զՉինդակապետն ի մեջ բանակին: 4 Բայց միայն ճողոպրեալ ապրէր Մերուժանն վատանշան:

ԳԼՈՒԽ ԽԴ.

1 Յաղագս արքայորդուն Պապայ, թէ զհա՛րոյ յայտնի էին դեւքն ի նմա, եւ հանդերձ նոքաւք գործեր զպղծութիւնն:

2 Պապ որդին Արշակայ ծնաւ ի մաւրէն Փառանձեմայ Սիւնւոյ, որ էր լեալ կին Գնետոյն. զոր եսպան արքայն Արշակ, եւ առ զկին նորա Փառանձեմ իւր կին, եւ ծնաւ ի նմանէ որդի՝ որ կոչեցան Պապ: 3 Եւ եղև իբրև ծնաւ զնա մայրն իւր, քանզի անաւրէն մարդ էր եւ ամենեւին յԱստուծոյ ոչ երկնչէր, նուիրեաց զնա դիւաց. եւ բնակեցին դեւք բազումք ի մանուկն, եւ վարէին զնա ըստ կամաց իւրեանց: 4 Սնաւ եւ աճեաց, եւ գործեր զմեղս, զպոռնկութիւն, զպղծութիւն արուագիտութեան եւ զանասնագիտութիւն, եւ զագրայի

1 Յօր. Մարիճ անուն

2 Յերկուս օրինակս՝ միջամուխ լիներ